



FYLKESMANNEN
I ROGALAND

Dykkar ref.:

Vår dato: 10.01.2013
Vår ref.: 2012/10605
Arkivnr.: 433.0

Skogselskapet i Rogaland
pb. 59
4001 STAVANGER

Att. Erik S. Faye

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 56 88 11
E: fmropost@fylkesmannen.no

www.fylkesmannen.no/rogaland

Løyve til Rogaland skogselskap til å setja ut utanlandske treslag på gnr/bnr 29/5, Gjesdal kommune

Vi syner til 3 søknader i same område, mottatt 29.10.2012. Søknadane gjeld løyve til planting av utanlandske tre til skogproduksjon på gnr/bnr 29/5 i Gjesdal kommune .

Heimel

Utsetjing av utanlandske treslag krev godkjenning frå fylkemannen i samsvar med *forskrift om utsetting av utanlandske treslag til skogbruksformål (25.05.2012 nr 460, jf naturmangfaldlova kap IV.*

Søknaden

Det er søkt om å planta ut:

1. 1500 stk sitkagran på om lag 6 da (kartvedlegg 1)
2. 500 stk sitkagran på om lag 2 da (kartvedlegg 2)
3. 600 stk hybridlerk/europalerk på om lag 2,5 da (kartvedlegg 3)

Det aktuelle arealet er på eigedomen til søkar, Skogselskapet i Rogaland.

Fylkesmannen si vurdering

Føremålet med forskrifta er å hindra at planting av utanlandske treslag gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran og europalerk er vurdert av Artsdatabanken som artar med svært stor risiko for naturleg spreiding med skadelege økologiske verknader for norsk natur (Norsk svarteliste 2012). Hybridlerk er same stad vurdert å ha låg risiko. Dei tre områda ligg søraust for eit kartlagt kystlyngheiområde med minste avstand 50 m. Det er ikkje verna område eller kjende artar i nærleiken som kan bli uheldig påverka av tilplantinga. Plantefelta legg beslag på noko areal, dels hogstflate i plantefelt, dels hogstflate i bjørkeskog. Plantefeltet grensar opp mot etablert plantefelt for sitkagran frå om lag 1922.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket direkte legg beslag på eller er vesentleg trugsmål mot stadeigne naturkvalitetar. Indirekte verknader er drøfta nedanfor.

§11 adresserar ansvaret for eventuelle skadar på naturmiljøet til tiltakshavaren. Kostnader ved å bøta på eventuelle skadar eller førebyggja skadar skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Dette tilseier at hybridlerk blir nytta i staden for europalerk og at planting vert utsett dersom det ikkje kan skaffast planter av hybridlerk i 2013.

Plantinga er omsøkt i eit område med mykje sitkagran slik at plantinga utgjer ei lita endring av frøpresset på områda rundt. Ei god stund framover vil det aller meste av frøspreiinga stamma frå sitkagran etablert før godkjenningsordninga tredde i kraft i 2012. Søkar pliktar å hindra spreieing frå det tidspunktet sitkagran planta før 2012 er avvirka. Europalerk vil ut frå søknaden vera ein ny framand art med sær høgt risiko i området. Søkar ønskjer å nytta hybridlerk, men ønskjer godkjenning av å bruka europa-lerk om det ikkje kan skaffast planter av hybridlerk i 2013. Fylkesmannen meiner ulempene knytt til spreieingsfare med å nytta europalerk vil kunna vera vesentleg større enn ved å nytta hybridlerk. Vi meiner derfor at denne delen av plantinga må utsetjast til det ligg føre plantemateriale av hybridlerk. Ulempene med ei slik utsett utsetjing er etter vår vurdering vesentleg mindre enn å få eit nytt spreieingssenter av ein art med sær høgt risiko. Det er ikkje registrert andre spesielle naturverdiar enn nemnte kystlynghei som kan bli truga av tiltaket på eller umiddelbart ved plantefeltet. Under føresetnad av at det blir nytta hybridlerk i staden for europalerk og framtidig spreieing av sitkagran blir overvaka og handtert som nemnt, kan vi ikkje sjå at den omsøkte plantinga vil vera til vesentleg skade for naturmangfaldet.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til å setja ut til saman 2000 sitkagran på til saman 8 da avmerka på kartvedlegg 1 og 2 vedlagt søknaden. Det er eit vilkår at spreieing frå sitka etablert frå nye bestandar etter dette løyvet skal fjernast.

Fylkesmannen gir og løyve til å setja ut 600 stk hybridlerk på om lag 2,5 da avmerka på kartvedlegg 3 i søknaden. Det blir ikkje gitt løyve til å setja ut europalerk .

Vedtaket kan påklagast til Direktoratet for naturforvaltning innan 3 veker. Klagen skal stilast til Direktoratet for naturforvaltning og sendast til Fylkesmannen i Rogaland.

Med helsing

Per Kristian Austbø
Ass.fylkesmiljøvernssjef

Audun Steinnes
Seniorrådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Audun Steinnes
Saksbehandlar telefon: 51 56 89 12
E-post: fmrosas@fylkesmannen.no

